

# BILTEN



## Zajedno za zdravlje: Adriatic Metals BH potiče svijest o karcinomu dojke

>>> ČITAJ VIŠE

U Općinskoj sali Vareš, 10. novembra 2023., Adriatic Metals BH je u saradnji sa predsjedavajućom Općinskog vijeća Vareš, gđom. Mahirom Brkić, organizovao edukaciju o prevenciji raka dojke okupivši preko stotinu žena iz svih mjesnih zajednica Općine Vareš. Događaj je istaknuo važnost zdravlja i dobrostanja kao ključnih elemenata stvaranja održivih zajednica. Tim za društveno odgovorno upravljanje kompanije vodio je edukaciju, a istaknute osobe poput Dijane Jerković, glavne sestre Odjela za bolesti dojke Kantonalne bolnice Zenica, i Prim. Dr. Haruna Drljevića, Načelnika Odjela za bolesti dojke, pružile su važne informacije o prevenciji raka dojke.



Cilj je bio potaknuti žene da preuzmu aktivnu ulogu u brzi o svom zdravlju. Organizacija je obuhvatila sve mjesne zajednice Općine Vareš, doprinoseći podizanju svijesti o ozbiljnosti ove teme. Uspješna mobilizacija zajednice postignuta je kroz informativne plakate, obavijesti na Radio Bobovcu te aktivno korištenje društvenih mreža. Adriatic Metals BH nastavlja igrati ključnu ulogu u poticanju rada na zdravlju i dobrostanju, gradeći održive zajednice koje brinu o svom zdravlju.



## ZAJEDNICA U FOKUSU:

Kurs Engleskog Jezika u Organizaciji Adriatic Metals BH

### >>> ČITAJ VIŠE

Adriatic Metals BH je organizovao intenzivni kurs konverzacijskog engleskog jezika koji predstavlja odličnu priliku za unapređenje jezičkih vještina. Kurs, koji je započeo 26.10.2023., održava se svaki ponedjeljak i četvrtak od 17:00 do 18:00 u MSŠ „Nordbat 2“ Vareš.

**Projekat pruža praktično znanje koje polaznici mogu primijeniti u stvarnim situacijama, uključujući poslovne razgovore, putovanja i svakodnevne interakcije. S obzirom na termine u večernjim satima, čak i oni s poslovnim obavezama mogu se uključiti. S trajanjem od 26 časova, kurs ima za cilj postizanje visoke razine tečnosti i spontanosti u komunikaciji.**



## SIGURNIJI PUT DO ŠKOLE:

Adriatic Metals BH Donira Sredstva za Rekonstrukciju Mosta

### >>> ČITAJ VIŠE



Ovo je odličan primjer kako se zajedničkim snagama mjesne zajednice, rukovodstva škole i kompanije može izmamiti osmijeh na lica djece.

Tijekom ljetnih mjeseci kompanija Adriatic Metals BH je pomogla da se osiguraju sredstva kojima je omogućen bolji i sigurniji pristup učenicima Područne škole „Pogar“ do njihovih učionica. Darovana su sredstva koja su bila potrebna da se izvrši rekonstrukcija starog, opasnog i neuslovnog pristupnog mosta Područnoj školi „Pogar“.

Za najveći doprinos u ovom projektu uručena je zahvalnica kompaniji i pojedincima zaslužnim za realizaciju ovih aktivnosti. Zahvalnice je uručio predsjednik MZ Pogar Miljan Pašalić, a u ime škole prisutnima se zahvalila direktorka Osnovne škole Vareš Ilijana Vidović. Ovaj uspjeh je pravi primjer kako suradnja između lokalnih institucija, škola i poslovnog sektora može rezultirati konkretnim koristima za zajednicu. Adriatic Metals BH ponosno nastavlja podržavati inicijative koje pridonose boljem životu lokalne zajednice, potvrđujući svoju ulogu društveno odgovorne kompanije.

## PETA SJEDNICA ODBORA ZA ODNOSE SA LOKALNOM ZAJEDNICOM

>>> ČITAJ VIŠE

Na petoj sjednici Odbora za odnose sa lokalnom zajednicom, održanoj 16. novembra 2023., razmatrani su zaključci prethodnog sastanka te su predstavljene aktivnosti i planovi za buduće inicijative. Sjednica je bila obilježena konstruktivnim dijalogom, s fokusom na učinkovito dijeljenje informacija. Analizirani su zaključci prethodne sjednice radi osiguranja kontinuiteta u radu Odbora, ključnog za praćenje napretka i prepoznavanje područja koja zahtijevaju dodatne napore.



Prezentacija aktivnosti obuhvatila je događaje i projekte u lokalnoj zajednici, naglašavajući predanost kompanije Adriatic Metals BH društvenoj odgovornosti, posebno u projektima usmjerenim prema zajednici i održivosti.

Želim da Vam se zahvalim na izdvojenom vremenu i što ste pristali govoriti za naš bilten i blog, a koji je u sklopu projekta „Living History Project“.

### Za početak recite nam nešto više o sebi.

Roden sam 06.01.1945. godine u Varešu, gdje sam završio osnovnu školu i gimnaziju, diplomirao sam 1969. Godine, na katedri za Ekonomsku geologiju, Rudarsko-geološkog fakulteta u Beogradu, na temu Tehničko-ekonomska ocjena Rudnika olova, cinka i barita, Veovača. Kao stipendista Rudnika i željezare Vareš zaposlio sam se u Birou za geologiju.

### Šta je bio Vaš prvi posao?

Moj prvi posao je bio posao Referenta za jamsku geologiju. Nakon toga sam radio na poziciji Starijeg istražnog geologa i na poziciji Glavnog inženjera za geologiju, u Službi za radove i investicije Rudnika i željezare Vareš.

### Koje su bile Vaše odgovornosti u rudniku?

U početku su se moji zadaci odnosili na upoznavanje s geologijom Jame Droškovac i kartiranje svih jama u sklopu RŽV, a osnovni angažman se odnosio na praćenje kvaliteta rude Jame Droškovac.



### Možete li nam reći nešto više o istoriji rudarenja na području Vareša i kako je to utjecalo na lokalnu zajednicu?

Još u antičko doba, Iliri koji su naseljavali ova područja su bili prvi koji su eksploatirali rudu. Sjedište im je bilo u Brezi, odakle je i čuveni Baton, jedan od pokretača Batonskog ustanka protiv Rimljana. Iliri su vadili željeznu rudu, pretvarali je u željezo i tim željezom trgovali, preko jadranskih luka s Kartagom. Rimljani nisu odobravali naoružavanje Kartage i krenuli su u osvajanje ovih prostora. S dolaskom Rimljana, rudarenje se nastavlja. Rudarili su uglavnom željeznu rudu, a srebro su dobijali iz jama u okolini Srebrenice. Posao rudara u to vrijeme nije bio cijenjen i obavljali su ga robovi, u nešto povoljnijem položaju su bili topioničari i kovači. Goti su također kratkotrajno rudarili na našim područjima. Nakon dolaska Slavena, eksploatacija je prisutna, ali u znatno manjoj mjeri. U Osmanskom carstvu, rudarstvo ponovno oživljava, da bi se s dolaskom Austro Ugarske počelo s ubrzanim eksploatacijom sirovina.

**Da li su se poštovali zakoni o zaštiti okoliša? Koje metode su se primjenjivale kako bi se smanjio negativan utjecaj na okoliš?**

Poštovane su mjere. Recimo, kod miniranja je bilo vrlo važno voditi računa o dozi eksploziva koja se koristi, potom, zaprašenost nakon miniranja se morala svoditi na minimum, jer je i prašina vrlo zapaljiva, poput metana u rudnicima uglja. U jame su ugrađivani tzv. tuševi kako bi se opasna prašina spustila na tlo i minimizirala mogućnost udisanja, iako su svi nosili zaštitne maske. U mom odjelu, zaštita okoliša se najviše odnosila na prevenciju propadanja površina terena, prevenciju devastacije pejzaža ili naprimjer, na površinskim kopovima, kao što su bili Brezik i Smreka, moralno se voditi računa o stabilnosti kosina na terenu, kako bi se sprječilo urušavanje.

**Da li ste svjedočili značajnim tehnološkim promjenama u rudarstvu tokom svoje karijere?**

Da, bila je to izgradnja teško-tekućinske separacije, a kasnije, nažalost nikada izgrađena (Zenica nikada nije pristala na ovo ulaganje) ali značajnija i ekološki prihvatljivija visoko-intenzitetna magnetna separacija. Također, moram spomenuti i uvođenje tzv. "Švedske metode", metode otkopavanja sa zarušavanjem krovine.

**Da li ste se susretali s izazovnim geološkim uvjetima (klizišta, potresi) i kako ste ih prevladavali?**

Bila su to klizišta, urušavanja površinskog terena, kao i podzemne vode. Recimo, ukoliko bismo prilikom izvlačenja rude primjetili da su primjese jalovine veće od uobičajenog, otkopavanja na tom dijelu su se morala trenutačno obustaviti.

**Vjerujem da ste upoznati s projektom rudarenja na Rupicama, kakva su Vaša očekivanja?**

Teško je prognozirati, možda je bolje sačekati da projekat zaživi da bi se govorilo o očekivanjima.

**Na temelju Vašeg bogatog iskustva kakvu budućnost predviđate rudniku i koje su to ključne komponente za uspjeh?**

Spremnost na znatna ulaganja u rudarske istražne radove je jedna od ključnih komponenti za uspjeh.

**Po Vašem mišljenju, da li će Vareš s otvaranjem novog rudnika doživjeti ponovni procvat?**

Vareš je, bez sumnje, već živuo. Pohvalno je i to što ullažete u obrazovanje mlađih ljudi, profesije koje se vežu uz rudarstvo će sigurno profitirati, a sve aktivnosti koje provodite unutar zajednice imaju pozitivan utjecaj na život u Varešu.

**Imate li neki savjet ili poruku za mlade koji počinju da grade svoje karijere?**

Poruka za mlade bi bila da se trude da stvore uspješnu kompaniju, jer ako je kompanija uspješna i oni sami će prosperirati na različitim poljima.

**Hvala Vam.**

Hvala i Vama.

# DOGAĐAJI KOJI SU OBILJEŽILI 2023. GODINU

6



**SVIMA VAMA I VAŠIM PORODICAMA  
ŽELIMO SRETNE NADOLAZEĆE  
PRAZNIKE!**

